

明通鑑

庚子孟春

上元李遜齋題

紀八十六

起著雍攝提格盡屠維單閼凡二年

莊烈皇帝

崇禎十一年春正月丁丑總督洪承疇敗賊于梓潼先是承疇援蜀由沔縣歷甯光過七盤朝天二關山高道險士馬饑疲歲暮抵廣元聞賊已走還陝西乃率臨洮總兵官曹變蛟邀擊于梓潼斬首五百餘級李自成從十八騎潰圍遁十八騎者劉宗敏田見秀李錦谷可成張世傑高一功張鼎李過李雙喜任繼榮任繼先田虎劉汝魁其五騎則掌械兒也 戊寅開福建海禁通市佐餉 癸未以玩寇速四川巡撫王維章及總兵官侯良柱時不知良柱之已死也以雲南巡撫傅宗龍代維章 丁亥裁南京冗官八十九員以給廩不足故也是月詔掌詹事府禮部尚書林欲楫回部時姜逢元罷也 二月甲辰改河南巡按御史張任學爲總兵官任學按河南見羣盜縱橫諸將縮朒不敢進乃上疏詆之自請易武階親執干戈爲國平賊上壯之下吏兵二部及都察院議僉以文吏無改武職者請仍以監軍御史兼總兵事上不從命授署都督僉事爲河南總兵官河南舊無總兵左良玉陳永福竝以客兵備援勦至是特設大將而戲下無兵兵部乃撥署鎮許定國兵授之使參將羅岱爲中軍岱健將頗著戰功任學倚以自強然所將兵少不能當賊之什一賊渠羅汝才馬進忠李萬慶等蹂躪中原民人據塢壁自保者數十悉爲賊摧破踞息縣光州磔人投汝水水爲之赤時熊文燦方主撫議匿不以聞而任學粗疎寡學冀以此嘗上意希節鉞耳實不能一創賊也 下刑部尚書鄭三俊于獄初戶部尚書侯恂坐屯逗事下獄上欲重譴之三俊屢獻上不稱旨譏者謂恂與三俊皆東林黨也至是有盜穴工部垣命按主者罪三俊亦擬輕典上積前怒褫其官遂下吏應天府丞徐石麒適在京上疏力救忤旨切責丙午御經筵尚書楊嗣昌方茂熊文燦主招撫因于講筵誦孟子善戰服上刑語上勃然詰之曰今天下一統非戰國兵爭比羣盜弄兵潢池不能卽撲滅奈何爲此言嗣昌慚不能對乃召翰詹諸臣顧錫疇等二十餘人

問保舉考選孰爲得人庶子黃景昉言保舉多私近日考選亦不公推官成勇朱天麟廉能素著乃不能與清華選少詹事黃道周言樹人如樹木須養之數十年近來人才遠不如古況摧殘之後必深加培養既復班又詢之對曰立朝之才存乎心術督師之才存乎形勢先年督撫不諳形勢隨流賊奔走事既不效輒謂兵餉不足其實歲給餉已踰千萬果無冒濫無侵漁可養兵四十萬何煩別籌增兵增餉那時尙書鄭三俊方下吏景昉因請省三俊上曰三俊雖清廉何濟又命諸臣各陳所見上曰言須可行如故講官姚希孟竟欲折漕一年誤矣道周聽未審謂上將寬三俊念希孟也遂言故輔臣文震孟一生謇直未蒙帷蓋恩天下士生如三俊歿如震孟希孟求其影似未可多得上以所對失實令回奏再奏再詰凡道周所建白未嘗得一命旨然上自經筵召對後頗知考選未當天麟得改官而三俊以孔貞運揭救亦旋得釋三月戊寅賀逢聖罷逢聖束修砥行而議論矯僻嘗力詆高攀龍左光斗爲言者所攻又與同官張至發交善會皇太子出閣擇講官至發擯黃道周不預楊廷麟等在選中心不平上章推讓道周初道周進諭德掌司經局疏辭因言己有三罪四恥七不如三罪四恥以自責七不如則所交游朝野之有學行者時鄭鄮方下獄論死而道周疏中有文章意氣不如鄭鄮語至是至發欲尼道周謀于逢聖逢聖曰道周前譽鄭鄮可藉爲口實也遂代爲繕稟言鄭杖母明旨煌煌道周自謂不如安可爲元良輔導疏出時論譁然逢聖亦不自安遂致仕去是月總兵曹變蛟大破李自成于洮州方賊之再入秦也其渠魁號六隊者與大天王混天王爭管王四部連營東犯混天王過天星二部以去秋破階州仍伏階州間獨自成自洮州出番地洪承疇令變蛟偕賀人龍追之連戰斬首六千七百有奇番地乏食賊多死亡變蛟轉戰千里身不解甲者二十七晝夜餘賊潰入塞而祖大弼駐洮州不能扼乃走入岷州及西和禮縣山中變蛟還勦賊潛伏不敢出惟六隊勢猶張仍出沒秦隴間夏四月辛丑張獻忠僞降于穀城熊文燦受之先是上命京營副將孫應元討賊與前鋒營副將周遇吉京衛營副將黃得功將勁卒萬人皆驍敢善戰用抵豫破賊于鄭州再破之密縣先後斬首千七百級賊大懼聞文燦下招降令多欲就之降劉國能者賊中所號闖塌天者也與張獻忠有隙慮爲所并又數敗于禁軍乃以是年正月先乞降于隨州頓

首文燦前曰愚民陷不義且十載煩公湔洗更生願悉眾入軍籍身隸麾下盡死力文燦大喜慰諭之署爲守備國能受約束無異志而獻忠方僞爲官軍旗幟給襲南陽城屯于南關左良玉陳洪範敗賊于鄖西旋師過其境疑而急詰之獻忠倉皇走官軍追及發兩矢中其肩良玉復揮刀擊之面流血幾被獲馬馳以免會京軍又大破賊于舞陽光固間四日奏三捷斬首二千九百有奇降其渠馬士秀杜應金于信陽城下獻忠勢孤因襲據穀城以求撫時陳洪範以總兵隸文燦麾下獻忠前以洪範故得免死事見三年後亡歸關中爲盜每飯必祝洪範數語其下曰陳總兵活我至是聞洪範在軍遣間齎重幣獻曰獻忠蒙公大恩得不死公豈忘之邪願率所部降以自効洪範喜爲告文燦文燦徂于劉國能之撫竟受其降巡按御史林銘球分巡副使王瑞相與左良玉知其僞謀俟獻忠至而執之文燦不可曲徇獻忠請處其眾數萬于穀城之四郊居民洶洶欲竄知縣阮之錕蒞任盡心調劑民稍安策獻忠必反以告文燦時獻忠遣賊將孫可望重賂文燦徑寸之珠十碧玉長尺餘者二名姝八文燦重昵獻忠惡聞之錕語之錕乃疏聞于朝言獻忠虎踞邑城其謀叵測所要求之地實兵餉取道咽喉秦蜀交會脈絡今皆爲所據奸民甘心効用善良悉爲迫脇臣守土牧民之官至無土可守無民可牧庫藏殫虛民產被奪無賦可徵名雖縣令實贅員耳乃席堂之上專主撫議臣愚妄謂撫勦二策可合言未可分言致損國威而挫士氣時不能用獻忠遂益怒乞十萬人餉于文燦文燦不能決賊眾漸出野外行劫之錕執之以告其營將稍寘之法及再告皆不應曰官司不給餉耳得餉自止由是村民徙亡殆盡遂掠及闔閭相距輒挺刃相嚮日有死者一城大囂監軍僉事張大經奉文燦令來填撫亦不能禁 戊申張至發罷至發嘗詆黃道周頌溫體仁屢爲言者所攻內閣中書黃應恩悍戾至發倚任之恃勢恣橫頗招權通賄至發終庇應恩會復故總督楊鶴官許給誥命應恩當撰文因其子嗣昌得君力爲洗雪忤旨將加罪至發擬公疏揭救同官孔貞運傳冠曰曩許士柔事吾輩未嘗救獨救應恩何也至發弗然曰公等不救我自救之連上三揭上不聽特降諭削應恩籍嗣昌疏救亦不聽無何應恩昧請事敗詞連至發至發憤甚連疏請勘上雖優旨衰答卒下應恩獄至發乃自謂當去者三而未嘗引疾忽得旨回籍調理時人傳笑以爲違旨患病云至發爲府

丞時以清彊稱及入內閣一切效法體仁與黃道周諸正人爲難時論非之又起家外僚諸翰林多不服上亦以其望輕故因其乞休卽勒之去三編實錄記諸士氣事云崇禎元年高攀龍贈官士氣官翰林草詔送內中書以爲使官不悅及攀龍家請給士氣已官南京祭酒距草制時十年矣士者仍以士氣前撰文進黃應鳳疏爲士氣辯言詔敕用寶歲有常期未有十年後用寶進呈而轉以崇禎三年申飭之禁迨咎元年草制之史官者疏入不報己酉熒惑掩于月逆行尾八度諭羣臣修省

壬子歲星書見

是月熊文燦奏舞陽光山之捷及劉國能張獻忠就撫狀楊嗣昌乃譽文燦而詆洪承疇

詔鐫承疇尙書官保曹變蛟左良玉各奪五官仍戴罪辦賊先是豫楚之賊凡十五家自國能獻忠降改稱十三家而馬進忠馬光玉李萬慶惠登相賀一龍蘭養成左金王及順天王順義王九家者尤著云以刑部侍郎劉之鳳爲本部尙書代鄭三俊也五月癸亥朔策試考選官于中左門問足食足兵之計丁卯熒惑退

尾入心上素服減膳敕廷臣言事尙書楊嗣昌應詔上書愿引漢光武建武二十三年明帝永平二年唐憲宗

元和七年宋太宗太平興國三年事應謂月食五星史不絕書然災祥感召不一其致且言永平火星之變其

時明帝圖畫功臣于雲臺馬援以椒房不與事耀青簡今陛下修德治內亦必有災而不害者疏出都給事中

何楷駁之言古人謂月變修刑又言禮虧則罰見熒惑誠欲措刑莫如右禮誠欲右禮莫先省刑今爰書之曠

極矣部司議宥止于重辟數人而未折之獄先後疊累莫過而問嗣昌不體陛下修省之意而徵古証今引建

武欵塞事以申通市之說引元和田興歸正事以申招撫之說引太平興國連年兵敗事以申不可用兵之說

徒巧傳會耳至所述永平時事更不知其意之所指南京御史林蘭友亦相繼論劾上方眷嗣昌置不問時詔

書懇摯有哀籲上帝詔而羣臣多以諛詞相解戶部主事李鳳鳴至謂火星逆行常而非變亦爲給事中解學

尹所駁獨中書舍人陳龍正以東廠緝事冤濫上養和好生疏語中時弊略曰同天在好生好生無過減死皋

陶贊舜曰罪疑惟輕良以獄情至隱人命至重故不貴專信而取兼疑臣居家所見聞四方罪犯無甚窮凶奇

謀者及來京師此等乃無虛月且罪案一成立就誅誅亦宜有所懲戒何犯者若此累累臣願陛下懷帝舜之

疑甯使聖主有過仁之舉臣下獲不經之愆益陰指東廠事也越數日上果嚴諭提督中官王之心不得輕視

疑甯使聖主有過仁之舉臣下獲不經之愆益陰指東廠事也越數日上果嚴諭提督中官王之心不得輕視

疑甯使聖主有過仁之舉臣下獲不經之愆益陰指東廠事也越數日上果嚴諭提督中官王之心不得輕視

人命云秋乃滅嗣昌上書在五月正英惑逆行人心時也光武三編誤書元帝今刊改丙戌定高牆罪宗五

年一審例時刑部尙書劉之鳳以天下囚徒皆五年一審錄高牆罪獨不預上疏言之報可 是月改左都御

史商周祚爲吏部尙書先是田維嘉以考選不公爲詞臣楊士聰所劾維嘉通內監先得參稿卽具疏辨士聰

再劾之執維嘉僕四人送鎮撫司維嘉遂落職 六月癸巳安民厰災壞城垣傷萬餘人 壬寅內閣孔貞運

罷初溫體仁當國欲重治復社值其在告貞運從寬提結體仁怒語人曰句容亦聽人提索矣句容貞運所居

邑也自是不敢有所建白及張至發去位貞運代爲首輔會上御門召考選諸臣試以兵食策卷下輔臣覆閱

貞運及薛國觀頗有所更及命下閣擬悉不從上自擇十八卷拔曾就義第一三編實載就義對策言百姓

廉卽加派以濟軍需未爲下部議行適新御史羣謁朝房貞運言諸卷說多難行新御史郭景昌遂劾之貞運

卽引歸後聞國難慟絕不能起遽得疾卒 乙卯以楊嗣昌程國祥方逢年蔡國用爲禮部尙書范復粹禮部

侍郎竝兼東閣大學士預機務嗣昌仍掌兵部初國祥官戶部尙書嗣昌議增餉國祥不敢違度支益匱四方

奏報災傷者相繼國祥多方區畫亦時有所蠲減最後建議借都城賃舍一季租可得五十萬勛戚奄豎悉隱

匿不奏所得僅十三萬而怨聲載途然上以此眷國祥至是上將增置閣臣出御中極殿召廷臣七十餘人親

試之發策言年來天災頻仍今夏旱益甚金星晝見五旬山西四月猶大雪朝廷腹心耳目臣務避嫌恕有司

舉劾情賄關其心尅期平賊無功而勦兵難撤邊餉日絀民貧既甚正供猶艱有司侵削百方如火益熱若何

處置得宜禁戢有法卿等悉心以對會天大雨諸臣面對後漏已深終考者止三十七人顧上意已前定特假

是爲名耳居數月遂有是命時劉宇亮爲首輔傳冠薛國觀次之又驟增國祥等五人惟逢年起自翰林餘皆

外僚也國用前以中書舍人歷工部侍郎督修都城需石甚急不克辦國用建議用牙石爲之牙石者舊列崇

文宣武二街舊駕出除道者也上聞城嘉其功因大用之復粹嘗爲巡按陝西御史陳治標治本之策以任將

飭防留餉爲治標廣屯蠲賦招撫爲治本上深哀納遂歷大理左少卿超擢入閣九屬異數蓋上欲閤臣通知

六部事故每部任一人首輔劉宇亮由吏部國祥以戶逢年以禮嗣昌以兵國用以工刑部無人復粹以大理

代之然皆委蛇其間獨嗣昌兼掌兵部最用事又以奪情居政府時論譁然

是月兩畿山東河南大旱蝗

以鍾爝爲左都御史代商周祚也 秋七月乙丑謫少詹事黃道周初郭鞏以逆案謫戍其鄉人爲訟冤楊嗣昌時巡撫永平聞于朝爲科臣所駁自是與東林郤及奪情入閣又起復逆案陳新甲代盧象昇爲宣大山西總督于是給事中何楷御史林蘭友修撰劉同升編修趙士春相繼論之道周上三疏一劾嗣昌奪情一劾新甲走邪徑一劾遼東巡撫方一藻主和議會廷推閣臣道周名在列不用用嗣昌等上疑道周怨望嗣昌復上言鄭鄮杖母飛走不如今道周又不如鄮何用談綱常爲且其意徒欲庇凶徒飾前言之謬立心可知因自乞罷免上優旨慰之及是召內閣暨諸大臣于平臺并及道周上與諸臣語所司事久之問道周曰凡無所爲而爲者謂之天理有所爲而爲者謂之人欲爾三疏適當廷推不用時果無所爲乎道周對曰臣三疏皆爲國家綱常自信無所爲上曰先時何不言對曰先時猶可不言至簡用後不言更無當言之日上曰清固美德但不可傲物遂非且惟伯夷爲聖之清若小廉曲謹是廉非清也時道周所對不稱旨上屢駁詰道周復進曰惟孝弟之人始能經綸天下發育萬物不孝不弟者根本既無安有枝葉嗣昌出奏曰臣不生空桑豈不知父母顧念君爲臣綱父爲子綱君臣固在父子前況古爲列國之君臣可去此適彼今則一統之君臣無所逃于天地之間仁不遺親義不後君難以偏重臣四疏力辭意詞臣中有如劉定之羅倫者抗疏爲臣代請得遂臣志及抵都門聞道周人品學術爲人宗師乃不如鄭鄮上曰然朕正擬問之乃問道周曰孟子欲正人心息邪說古之邪說別爲一教今則直附于聖賢經傳中係世道人心更大爾言不如鄭鄮何也對曰匡章見棄通國孟子不失禮貌上曰章子不得于父豈鄮杖母者比爾言不如豈非朋比道周曰眾惡必察上曰陳新甲何以走邪徑託捷足道周對曰人心邪則行徑皆邪又曰奪情在疆外則可朝中則不可上曰人既可用何分內外道周曰我朝自羅倫論奪情前後五十餘人多在邊疆故嗣昌在邊疆則可在中樞則不可在中樞猶可在政府則不可止嗣昌一人猶可又呼朋引類竟成一奪情世界益不可上又詰問久之曰少正卯當時亦稱聞人心逆而險行僻而堅言僞而辯順非而澤記醜而博不免聖人之誅今人多類此道周曰少正卯心術不正臣心正

無一毫私上怒有間命出候旨道周曰臣今日不盡言臣負陛下陛下今日殺臣陛下負臣上曰爾一生學問止成佞耳叱之退道周叩首起復跪奏臣敢將忠佞二字剖析言之夫人在君父前獨立敢言爲佞豈在君父前讒諂面諛爲忠耶忠佞不別邪正淆矣何以致治上曰固也非朕漫加爾以佞但所問在此所答在彼非佞而何再叱之退顧嗣昌曰甚矣人心偷薄也道周恣肆如此其能無正乎乃召文武諸臣咸聆戒諭而退是時上憂兵事謂可屬大事者惟嗣昌破格用之道周守經失上意及奏對又慙直上怒甚欲加以重罪念其名高傳諭數百言戒廷臣毋爲道周劫持相朋黨乃貶道周六秩爲江西按察司照磨同升士春皆謫外已而南京御史成勇兵部尚書范景文等疏論嗣昌奪情隨亦論謫是月南都復社諸生作留都防亂揭攻逆案阮大鍼楊嗣昌之奪情也時有諸生沈壽民以薦辟入都首劾嗣昌道周聞之嘆曰此何等事在朝者不言而草野言之昔真希元在朝一月封事三十六上吾豈可遠愧希元近慙沈子壽民竝及大鍼有妄畫條陳鼓煽豐邑語蓋大鍼時避皖亂僑寓南京而故巡撫宣府坐賄遣戍之馬士英亦在焉相與結納談兵說劍觀以邊才召于是貴池吳應箕宜興陳貞慧草留都防亂公檄推故端文顧憲成之孫杲列名揭首而吳縣楊廷樞餘姚黃宗羲蕪湖沈士柱等方聚講金陵凡列名者一百四十大鍼聞之避居金陵之牛首山始稍稍斂而銜之次骨自是復社之名大起宗羲故御史尊素子貞慧故都御史于廷子也攻異留都防亂一獨謫之樓山堂集陳寅七月事即崇禎十一年正流賊擾安慶時故阮大鍼避亂居南京也明史士英傳所載不及陳定生吳次尾而應箕傳中則言應箕與顧杲左園材沈士柱黃宗羲楊廷樞等與士英傳略同而不及陳定生證之全謝山梨洲碑文及山陽錄則草揭者乃杲與定生次尾三人成之又謫之樓山詩集則正在黃忠烈劾楊嗣昌奪情之後而沈壽民之物嗣昌又在前是揭成于顧子方家子方即杲也又據諸書所載則次尾實主是稿者今參樓山集山陽錄及南雷耕岩墓志銘節書之以侍郎李待問爲戶部尚書代程國祥也八月戊戌以災異迭見齋居永壽宮諭

廷臣修省 癸丑內閣傳冠罷時有章奏發自御前者冠以爲揭帖援筆判其上既知誤皇恐引罪遂放歸

戊午停刑 是月豫楚賊羅汝才等自陝州犯襄陽先是熊文燦駐裕州汝才及馬進忠諸賊聚南陽文燦下令殺賊者償死賊不肯從則賚金帛酒牛犒之名曰求賊上謂得狀曰文燦大言無實文燦恐然終擁兵不戰謂張獻忠已就撫它賊可無慮而汝才進忠等遂驅宛雒之眾箕張而西以窺潼關會陝撫孫傳庭方大破關

中賊引軍東出關遙望賊營聯結數十里拊背嘆曰天下大寇盡在此矣我擊其西總理擊其東賊不降則滅此賊平天下無賊矣獻忠卽狙伏無能爲也乃縱兵擊賊大戰于閬鄉靈寶間貫其營而東復自東以西賊窘甚以文燦招降手諭爲詞曰旦夕且降傳庭曰若曹日就熊公言撫而日攻堡屠寨不已是僞也降卽解甲來稍遲延卽非真降吾明日進兵矣明日擐甲而出得文燦檄于塗中曰毋妬吾撫功又進得樞輔楊嗣昌止兵手書傳庭怏怏還賊迄不就撫移賊商雒文燦悔期傳庭夾擊傳庭遣將吏三戰三敗之賊奔內鄉漸川而去至是遂入襄陽 九月辛巳

大清兵入塞分道至牆子嶺青山口薊遼總督吳阿衡總兵魯宗文戰敗死之中官鄭希詔遁走遂深入駐牛欄山時宣大總督盧象昇丁憂候代未行詔督總兵楊國柱王樸虎大威諸軍入衛癸未京師戒嚴 是月熊文燦次襄陽諸將請戰文燦議分兵進中官盧九德曰兵分則力弱一失利全軍搖矣莫若厚集其力而合擊之眾曰善乃合左良玉陳洪範龍在田軍戰于雙溝大破之斬首二千餘級羅汝才等率九營走均州其黨李萬慶等率三營走光固文燦出師以來雙溝之捷差足自贖而終持撫議不悟也厥後變革之捷明史本紀不具熊文燦左良玉傳及後

寇紀略皆在九月今摺書之

山西陝西旱饑

是年自夏徂秋孫傳庭曹變蛟擊秦賊連破之初李自成洮州之敗其黨

號六隊三隊者糾大天王爭管王混天王仁義王過天星混天星等分寇關隴間大天王犯慶陽竇雞傳庭方扼商雒還軍戰合水破走之獲其二子追擊之延安過天星混天星等從徵秦趨鳳翔逼澄城傳庭分兵五道擊破之斬首二千餘級大天王知二子不殺遂降餘賊引而北犯延安傳庭策鄜州西合水東三四百里荒山遂谷賊入當自斃乃率標兵自中部過其東檄變蛟自慶陽扼其西伏兵三水湊化間賊饑出掠食則大張旗幟鳴鼓角以邀之一日夜馳二百五十里賊大驚西奔遇伏而敗復走寶雞取棧道再中伏大敗折而走隴州關山道又爲伏兵所挫三敗賊死者無算過天星混天星並降總兵左光先躡賊于秦州六隊爭管王復走成縣陷州爲變蛟所扼三隊仁義王混天王降于光先六隊還與自成合自成以秦兵銳偕六隊及其黨祁總管避走復入蜀副將馬科賀人龍邀擊之還走階文及西鄉譚變蛟乃走漢中又爲光先所扼六隊祁總管皆降

惟自成東遁

改異李自成逃州之敗在是年三月六日等之賊据明史曹變蛟傳在是年之夏而按寇紀略紀事本末所載月日皆三月以後十月以前事而傳庭東出關擊豫楚之賊在八月惟李自成傳統系之十一年春蓋連記也今分書之

冬十月癸巳盧象昇至京師召對于武英殿先是

大清遣使議和巡撫遼東方一藻以聞樞輔楊嗣昌亦主和議有誓而賣卜者曰周元忠嘗往來于遼議遣之奉書象昇聞而心非之至是召對咨以方略對曰臣主戰上色變良久曰和乃外廷議耳象昇因奏備豫形勢甚悉上壯之而戒象昇持重令與嗣昌及中官高起潛議蓋起潛方奉詔監軍也當是時上心知

大清兵銳甚力不敵而恥言和故委廷議以答象昇象昇出與嗣昌起潛議皆不合即日陛辭賜尙方劍嗣昌送之屏左右欲有言久而不能出口第丁甯毋輕戰而已 甲午詔盧象昇高起潛分督援軍象昇師次昌平上遣中官賁四萬金犒軍明日又賜御馬百太僕馬千鐵鞭五百象昇乃決策議戰而事多爲高起潛撓憤甚疏請分兵議以宣大山西三帥屬象昇關甯諸帥屬起潛然象昇所部實不及二萬越數日楊嗣昌至軍象昇責以沮師且曰公等堅主和議獨不思城下之盟春秋所恥長安口舌如鋒恐袁崇煥之禍立見嗣昌頰赤曰公直以上方劍加我矣象昇曰既不犇喪又不能戰齒劍者我也安得加人嗣昌曰公毋以長安蜚語陷人象昇曰周元忠赴邊講和往來非一日事始于薊鎮監督受成于本兵逼國聞之誰可諱也嗣昌語塞而去又數日會起潛安定門象昇大言非血戰無以盡臣職起潛曰恐野戰非我所長耳兩人始終各持一議會陳新甲至復分兵與之而

大清兵已會于通州河西甲辰起潛兵敗于盧溝橋 是月總督洪承疇等大破李自成于潼關南原承疇度

自成窮竄必奔潼關謀于秦撫孫傳庭設三伏于潼關之南原每五十里而立一營令總兵官曹變蛟窮追賊

賊犇入伏中相蹈藉變蛟躬執長刀大呼斫賊伏盡起奪矛掩殺賊無算其幸免者或棄刀與騎迸逸漢南之

山中村民用大棒擊之賊飛走路絕先後降者數十萬委甲仗如山自成妻女俱失從七騎逃去自成創甚匿

商維山中未幾承疇傳庭入援京師總理熊文燦方主撫諜者或報自成死文燦益不以自成爲意自成得乘

間收其眾復大振改異潼關原二次之敗明史本紀系之十月曹變蛟傳亦系之賊竄陷文走漢中之後乃孫傳庭等入援之前一月事也惟李自成傳言十一年春官軍敗賊將盡自成奔白水食盡承

傳庭合擊于梓潼原大破之自成盡亡其卒獨與劉宗敏田見秀等十八騎潰圍竄伏商雒山中云云證之
孫傳庭傳自成以十八騎遁去在十一年春與流賊傳台曹變蛟傳十月潼關原之敗自成從七騎遁去與明
史本紀合謝繼作是兩事也然是年正月之敗自成走入陝復戰敗于洮州走入十一月
岷州並無寶商雒山中事而商雒山中之竄確在十月七騎遁去之後今分書之 十一月

大清兵自良鄉趨涿州分三路深入一由涑水出易州一由新城出雄縣一由定興出安肅丁卯攻高陽前大
學士孫承宗率家人拒守

大清兵將引去繞城而呼者三守者亦應之三曰此城笑也于法當破圍復合戊辰城陷承宗被執望闕叩頭
投縋而死年七十六子舉人鈐尙寶丞鎰官生鍾生員鉛鎬從子鍊及孫中書舍人之沆之滂尙寶丞之
洁之憲從孫之澈之渙之渙之渙皆戰死督師中官高起潛以聞上嗟悼命所司優卹當國者楊嗣
昌薛國觀輩陰扼之但復故官予祭葬而已南渡後始贈太師諡文忠有里居故鄒平知縣魏克家與承宗同
時死一時官吏皆遁去 戊子大學士劉宇亮自請視師詔督察各鎮援兵奪盧象昇尙書令以待郎任事與
高起潛戴罪立功 是月羅汝才降時以京師急召洪承疇孫傳庭合兵五萬入衛汝才等不知以爲討己也
懼而叩太和宮提督中官詭詞求撫于熊文燦許之汝才猶豫文燦令房縣知縣郝景春單騎入其營與汝才
等歃血盟汝才乃率九營詣軍門降文燦分處汝才及一丈青小秦王一條龍四營于鄖縣惠登相王國富常
德安楊友賢王光恩五營于均州上疏請貸汝才等罪令諸將宴汝才于迎恩官署署以爲游擊將軍供億甚
備汝才自言不願署官亦不願食餉願爲百姓耕田房竹間文燦曲意撫之檄汝才解散其黨簡驍壯從征
立功汝才不聽因據鄖均諸邑奪居民地錯壤而處與張獻忠遙爲聲援明年遂叛 十二月庚子宣大總
督盧象昇與

大清兵戰于鉅鹿之賈莊敗績死之先是

大兵分道南下象昇聞之從涿州進扼保定遣將出禦大戰于慶都猶未敗衄而一時列城多失守編修楊廷
麟劾樞輔楊嗣昌誤國有南仲在內李綱無功潛善秉成宗澤殞恨語嗣昌大怒奏改廷麟兵部主事贊畫行
營象昇擢自兵備副使以數敗流賊著名至是

大軍在前象昇提五千殘卒又爲嗣昌所扼餉不時給將士饑甚自知必死晨出帳四面拜曰吾與將士同受國恩患不得死而不患不得生眾皆泣莫能仰視遂率所部行宿于野次畿南三郡父老聞之咸叩軍門請曰明公出萬死不顧一生之計爲天下先乃奸臣在內孤忠見嫉棲遲絕野一飽無時明公誠從愚計移軍廣順

順德召集義師三郡子弟喜公之來同心僇力一呼而裹糧從者可十萬孰與隻臂無援立而就死哉象昇泣然

流涕答曰感父老至意然自予與流賊角經數十百戰未嘗輒今分疲卒五千大敵西衝援師東隔事由中制食盡力窮旦夕死矣無徒累父老爲也眾號泣雷動各攜斗粟餉軍或貽棗一升曰公煮爲糧先一日進師

次鉅鹿賈庄高起潛擁關甯兵在雞澤距賈庄五十里而近象昇遣廷麟往乞援因與訣曰死西市何如死置場吾以一死報君猶爲薄耳起潛不應象昇行至蒿水橋與

大軍遇總兵王樸先引兵遁去獨虎大威楊國柱從象昇將中軍大威帥左國柱帥右戰移時勒兵還營夜

半角聲四起明日騎數萬大至環之三匝攷異明史本傳十二月十一日次鉅鹿明日敗沒本紀系之戊辰十二日也今據書之象昇麾兵戰呼聲動

天自辰迄未礮盡矢竭大威請潰圍出象昇不許奮身鬪後騎皆進手格殺數十人身中四矢三刃遂仆掌

牧楊陸凱懼眾殘其屍而伏其上背負二十四矢以死僕顧顯者亦殉一軍盡沒宣府參將張巖陷陣死據實補惟大威國柱得脫起潛聞敗倉皇遁懼坐誅諱象昇死狀嗣昌疑不死有詔驗視廷麟得其尸戰場麻

衣猶被體一卒遙見卽號泣曰此吾盧公也三郡之民聞之哭失聲競立祠祀之順德知府于穎覈其狀以聞事始白嗣昌故斬之踰兩月而後斂明年象昇妻王氏請卹又明年其弟象晉象觀又請不許久之嗣昌

敗廷臣多爲言者乃贈太子少師兵部尚書賜祭塋予世蔭方象昇之戰沒也嗣昌遣三邏卒索其死狀其

一人俞振龍者歸言象昇實死嗣昌怒鞭之三日夜且死張目曰天道神明無枉忠臣于是天下聞之無不

歎歎志嗣昌矣內閣方逢年罷是年夏熒惑之變刑部尚書劉之鳳請修刑言自今獄情大者一月奏斷

小者半月至遠年賊犯無可追比者祈悉宥免全好生之仁上雖可其奏而心惡之鳳欲罪之及是刑科摘

參未完疏逢年以追賊既久人亡產絕親戚坐累幾同瓜蔓遂輕擬以上詔責其疎忽逢年引罪遂罷歸未

幾之鳳亦得罪之鳳在刑部每上獄詞輒奉嚴駁累疏謝病不許會范景文劾南京給事中荆可棟貪墨下部訊之鳳亦予輕比上怒遂下之鳳于獄 戊申徵總督洪承疇入衛陝撫孫傳庭爲兵部侍郎督援軍偕行 是冬

大清兵連下畿輔列城長吏多望風先後遁失城四十有三

攷異明史忠義傳作四十八今據三編明年目中

其以死事聞者知州有

深州孫士美守城三日城陷自刎于角樓父訥亦自經一家死者十三人知縣有任邱白慧元爲中官所誣劾被逮未行新令李廉仲縋城遁慧元躬擐甲胄防禦甚力及城破一門俱死慶都黃承宗城破與子朝鎭俱力戰中流矢死妻劉氏自縊靈壽馮登鰲文安王鑰蠡縣王采新河崔賢鉅鹿郭司南鹽山陳誌故城王九鼎青縣張文煥與濟錢珍慶雲陳緘安平孔聞俊等俱以殉城死而司南之僕張爾璋從其主殉焉教官有鉅鹿教諭唐一中鹽山教諭孫璜深州訓導吳恂蠡縣訓導馮大緯俱先後死而大緯者登鰲從父也吳橋訓導劉廷訓以知縣李棊龍欲遁力止之與共守圍將合棊龍縋城走廷訓急縋城上語守者曰守死逃亦死盍死于守乃忠義鬼乎眾泣諾乃堅拒三晝夜廷訓中流矢束胸力戰又中六矢乃死臨城訓導張純儒率諸生共守城城破死之文安訓導郭養性亦死焉佐貳官有文安主簿安衡典史湯國紀皆死難鄉官有故兗州知府喬若雯臨城人端坐按劍以待城陷遂被殺故山西按察使李禎亡任邱人佐白慧元守任丘城破率眾格鬪身中數槊死一門從死者數人故戶部員外郎李崇德青縣人亦死難故延綏巡撫馬從聘靈壽人城破從聘年八十二謂其子曰吾得死所矣自縊死三子長士偉官知州次官生士慤次生員士通皆自縊從聘弟從龍官揚州府經歷與子士祿同死焉故吏部員外郎耿蔭樓亦靈壽人與子參同死之故倒馬關參將周甘雨行唐人与弟故淮安同知霖雨故潼川州州同時雨兄弟堅守城破皆死之士人有隆平舉人董祚任縣舉人檀光閻玉田生員桑開基深州武生田興國等皆死節

攷異三編所記畿輔列城死事諸人皆據明史馬從聘及忠義孫士美高若雯等傳乃克高陽以後事史稿載所破畿輔各州

縣皆有日分今不具載第據三編統系之是年冬下惟

是歲安慶巡撫史可法連敗賊于英山六合順天王

刪去趙州知州王端冕一人改入十五年辨見下卷 乙卯未幾死于是陝西河北湖廣諸賊或降或虜勢大衰城邑罕有陷者惟紫陽典史何宗孔商南典史賈儒

秀以殉賊難聞

十二年春正月己未朔以時事多難卻廷臣賀是時軍書旁午上每省事達旦以歲朝謁劉太妃于慈甯宮太妃神宗昭妃也自天啟來嘗居慈甯宮掌太后璽上禮事之如大母至是上謁畢就坐俄假寐太妃戒勿驚命尙衣者覆以帔左右皆植立屏息以俟有頃上覺攝衣起謝曰神宗時天下少事宮中皆晏安太妃所親見也今苦多難兩夜省文書未嘗交睫自謂年甫踰壯尙可應接不謂蚤困劣在太妃前惛然不自持至此太妃爲之泣下

致異此三編據明史后妃傳參毛大可形管拾遺書之本無年月然有歲朝謁太妃語而昭妃之薨在十五年三編入之是年正月今據書之

庚申

大清兵入濟南先是

大軍自畿輔而西抵山西界復折而南下臨清渡會通河徇下山東諸州縣臨邑知縣宋希堯博平知縣張列宿莊平知縣黃廷極邱縣知縣高重光武城知縣李承芳等皆死之時樞輔楊嗣昌以德州爲南北孔道檄山東巡撫顏繼祖率標下兵三千扼之于是濟南空虛止鄉兵五百萊州援兵七百勢弱不足守巡按御史宋學朱行部章邱急馳還與布政使張秉文副使周之訓翁鴻業參議鄧謙鹽運使唐世熊等議守城連章告急于朝楊嗣昌無以應督師中官高起潛方移駐臨清擁重兵不救總兵祖寬倪寵等亦觀望

大清兵遂臨濟南秉文等分門拒守晝夜不解甲援兵竟無至者

以上皆去年十一月事三編承以先是一字

至是城潰月二日秉

文擐甲巷戰已被箭力不能支死之妻方氏妾陳氏竝投大明湖死學朱亦死之之訓與妻劉氏偕死闔門殉焉鴻業亦死之謙戰于城上與季父有正偕死母莫氏匿民間不食死族戚僉從死者四十餘人世熊分守西門被殺濟南知府苟好善推官陸燦同知陳虞允通判熊列獻馬嗣煜歷城知縣韓承宣布政使理問姜道元俱殉城死而列獻則二子俱從死承宣與妻妾同死大學士韓爌孫也道元妻來氏子廷樑皆殉焉舉人劉元化及子漢儀皆死德王由樞者英宗子莊王見潯六世孫也城破被執時有郡王一人奉國將軍一人同被執又有郡王五人輔國將軍一人鎮國將軍一人奉國將軍四人皆被殺史佚其名又有劉大年者官兵部主事奉使南京還朝過歷城城破抗節死又恩縣鄉官李應薦名麗逆案至是捐貲募士佐有司守城城破身被數

勿死事聞皆贈卹有差 戊辰劉宇亮趨晉州致異明史本紀言是月戊辰劉宇亮孫傳庭會師十八萬于晉州不敢進按下文宇亮罷明史本傳及三編皆言其抵保定聞

也孫傳庭傳亦無與宇亮會師晉州之語今不取但言宇亮趨晉州為下文罷宇亮張本 大清兵將至急趨晉州避之疑是時傳庭援軍將至故宇亮託言會師晉州耳非實錄 丁丑改洪承疇

總督蘄遼軍務孫傳庭總督保定山東河北軍務從樞輔楊嗣昌議也嗣昌議留秦兵之入援者屬承疇守薊

遼傳庭言于嗣昌曰秦兵不可留也秦中賊未滅留則賊勢且張是代賊撤兵也況秦兵妻子俱在秦久留于

邊必譁而逃歸以合于賊是驅官軍使從賊也安危之機不可不察嗣昌不聽傳庭疏爭之上亦不能用 是

月以甄淑為刑部尚書代劉之鳳也時吏部尚書商周祚以延推忤旨落職召莊欽鄰為吏部尚書 二月癸

巳京師地震 乙未劉宇亮罷初宇亮請督察軍情會高陽陷上欲罷盧象昇命改宇亮為總督宇亮大懼與

薛國觀楊嗣昌謀且具疏自言乃留象昇而宇亮仍往督察各鎮援軍皆屬焉甫抵保定象昇已戰沒偵者

報

大清兵將至相顧無人色急趨晉州避之知州陳宏緒閉門不納士民亦歛血誓不延一兵宇亮大怒傳令

箭急納師否則軍法從事宏緒亦傳語曰督師之來將以進戰也奈何斂兵退處城中芻糧不繼責在有司

欲入城不敢聞命宇亮乃馳疏劾之有旨逮治州民詣闕訟冤願以身代者千計宏緒得鐫級調用上自是

疑宇亮不任事徒擾民矣是年正月間

大清兵悉銳趨山東乃敢移師次天津恐解嚴後重得罪疏論諸將退縮為卸責地因及總兵劉光祚逗遛

狀詔斬光祚軍前宇亮以兵事未解方倚諸軍自衛遽殺大將恐生變乃繫光祚于獄具疏乞宥且為報武

清之捷上責以前後矛盾下九卿科道議僉謂宇亮玩弄國憲大不敬宇亮疏辨部議落職閒住給事中陳

啟新等復重劾之乃削籍去國觀代為首輔 三月丙寅

大清兵班師出青山口是役也凡深入二千里三十三戰皆捷下畿輔州縣城四十有三曰趙州深州文安慶

都博野蠡高陽任邱青輿濟甯津吳橋東光故城南皮鹽山慶雲獲鹿元氏靈壽樂城無極行唐南宮新河安
平饒陽隆平高邑臨城甯晉沙河河南和任內邱唐山平鄉鉅鹿廣宗鷄澤威清河魏下山東府州縣城十八曰

濟南府高唐州長山濟陽禹城臨邑陵平原海豐商河博平茌平莘清平邱恩夏津武城俘獲人口四十六萬有奇乃自青山口旋師事既定給事中李希沆言陛下御極以來京師戒嚴者三己已失事之罪未覈致有丙子丙子失事之罪未覈致有今日語侵樞輔楊嗣昌御史王志舉亦劾嗣昌誤國請用丁汝夔袁崇煥故事上怒希沆貶秩志舉奪官命嗣昌議文武諸臣失事罪分五等曰守邊失機曰殘破城邑曰失陷藩封曰失亡主帥曰擁兵觀望于是薊鎮總監中官鄧希詔分監中官孫茂霖順天巡撫陳祖苞保定巡撫張其平山東巡撫顏繼祖薊鎮總兵吳國俊陳國威山東巡撫倪寵援勦總兵祖寬李重鎮及他副將以下至州縣有司凡三十六人同論死而嗣昌貶削不及

大清查錄下畿輔州縣四十三山東州縣十八皆有縣分亦止六十餘城今據書之 丙子尊孝純皇后爲皇太后加諡號詔天下又加贈太后父新

樂侯劉應元爲瀛國公母徐氏爲瀛國夫人

夏四月戊申程國祥罷國祥廉謹而短于才同官薛國觀楊

嗣昌方用事國祥充位而已至是召對無一言上傳諭責其緘嘿大負委任于是國祥遂乞休去 是月總

兵官左良玉敗賊于南陽初賊渠馬士秀杜應金就撫良玉處其眾于許州之郊外許太州也良玉及諸將

寄帑與賄焉會河南巡撫常道立檄良玉勦他賊于陝州久征不歸士秀應金在熊文燦軍中託事請歸許

遂假良玉軍號給入城夜半縱火燒城南樓劫庫殺官吏殲良玉家劫其貲投李萬慶萬慶者賊魁射場天

也以上揭良玉傳

良玉聞變將旋軍討之適奉勤王詔遂率降將劉國能北行未抵京詔還討河南賊以國

能反正後頗効用詔擢副總兵曰張獻忠能立功視此良玉國能南旋擊馬進忠于鎮平闕大破之進忠降

是時河南總兵張任學亦以入衛卻還連敗楚豫之賊于陳州于襄陽于葉縣于裕州賊渠賀一龍蘭養成

伏深山不敢出惠登相遠走秦蜀順天王已前死萬慶及馬光玉許可變在豫勢益孤文燦檄良玉勦萬慶

于唐縣分三營擊賊逐入山中裨將王修政趨利戰死文燦收二營卒令良玉燧之內鄉而任學亦以兵來

會萬慶乃依山結壘遣賊將至軍門請降良玉慮其詐謀之文燦益調諸將陳永福羅岱等兵進勦國能亦

至遂分道擊萬慶及光玉可變萬慶等敗大奔良玉令國能以二十騎往偵且諭萬慶降萬慶馳見輪情于

國能遂執許州叛黨于汝虎以降處其眾四千人于內鄉城下士秀應金見應忠萬慶降而懼復來歸有劉喜才者夜取順義王首以獻光玉等走浙川自是賊勢少衰文燦遂上言臣兵威震懼降者接踵惟馬光玉等尙稽天討可旦夕平也上優詔報之文燦益自喜而湖廣諸僚吏頗以爲憂楚撫余應桂貽書文燦言羣賊雖相繼降而張獻忠必反可先未發圖之其書爲獻忠邏者所得獻忠騰牒布告曰余撫軍欲殺我文燦聞之糾應桂撓撫事應桂疏辨上不聽方進忠萬慶之未降也應桂以文燦撫勦乖方上書極詆之其縷陳文燦之舛尤悉略言文燦初撫劉國能其黨李萬慶等諸大賊盡走泌陽棗陽時文燦良玉並在德安臣以爲兵勢方盛宜乘此追勦而文燦調良玉諸軍盡赴信陽勦馬進忠臣謂進忠于諸賊中最弱强者當急勦弱者可徐圖文燦不聽自此機一失賊走西而文燦東致萬慶等收合餘燼勢復振而豫楚之患遂自文燦之悞諫貽之矣迨賊西潰之後遮節上聞妄報斬級其自恃所長惟火礮凡經過州縣用昇夫八百死亡載道未見其一試也且文燦辦賊之策曰先撫後勦乃檄諸軍會勦于茶山不效于麻城又不效第見招撫之旗綵繹于道一遣使招賀一龍而使者被殺再遣使招李萬慶與之通市賊反因此大縱焚掠天下有如是撫法乎其一切軍需悉取于所過有司名曰借辦致城市空虛子遺盡絕文燦軍至麻城民不堪淫掠欲焚其署始跟踰而走及次蘄水其兵殺鄉民報捷民家環哭竟不敢治一兵是以捷報日張寇勢愈熾十三家之賊蹂躪南陽汝甯如履無人之境文燦駐宛汝已久調度不聞天下有如是勦法乎獻忠在穀城招納亡命買馬置器人知其巨測文燦顧欲借之爲前茅遣官調之非惟不應復留解餉之官求爲湖廣總兵今已造浮橋跨漢水矣文燦前旣誇張而敘功後復掩匿而不報可不謂之欺君乎以總理之大柄畀之顛蹶之耄夫臣不知其可也而文燦謂茶山失賊罪實由應桂嗣昌銜應桂嘗劾其父鶴奏逮之應桂自辨雖力上不納竟下之獄未幾獻忠果叛獨國能進忠萬慶三人者帖然無異志萬慶尋亦授副總兵官

攷異是月劉國能從左良玉等討許州之賊而史稿書左良玉敗劉國能

于許縣國能降此大誤國能之降在去年正月相

差一年史稿所記崇禎年間事舛誤大多似此

五月甲子以禮部侍郎姚明恭張四知兵部侍郎魏照乘俱禮部尙書兼東閣大學士預機務明恭等三人皆庸劣四知尤甚嘗以貪汙爲言官所糾四知力辨于上前